

## A CIANCIANA

Una  
a cciù vvagghiàrdha  
ca jàvi appisa ô piettu na cianciana  
scila cciù avanti 'n cerca 'i rasciura  
ca â matina crisci tennira attuornu rê mura.  
Sthraviata a mànn'ra a-ttocca sicuta pasciennu  
a spicuzza a carruedha sicca a pamminedha aruci.  
U cani i ssicuta e i rricogghi  
e-ppuoi torna pïatusu  
sbintuliànnu ccâ cura.

Cciù ppiatusu  
sutt'ô tasclu lucenti nta-ll'uocci u pasturi  
cchê scarpri ri terra  
na viria ntâ manu  
e appisu 'm-paracqua ntâ spadha se cciovi  
e...nu-llibbru ...c'ammùccia ntô piettu aggnutticatu.  
Pigghiату 'i timuri rô pathruni se u viri  
a-ll'umm'ra unni trova n'appuòiu  
u rapi ntâ nzinga  
e llegghi na foggia:  
a storia ri Orlandu ccû Angelica bbedha  
e i palatini ntê vosca ca cercunu u ddhrau.

È u cani cô ciama: - s'alluntana a cianciana  
ca sàuta i mura...-  
E pparti palatinu furiusu ccâ spata ntâ manu  
trasciuniànnisi a storia 'n caminu  
passi ri terra ppô rrièstu â jurnata.

E â sira ntâ sthrata ca torna  
a so ùmm'ra  
ca u sulì a carizza cci-à-llonga e a vuci : -"Iti, picuredhi  
turnàmu, aruci, ntê nuosthri casedhi..."-  
Ora i pinzera amari ntâ menti  
a-ttocca cci scùrrunu i jòla  
e unu  
u cciù ardenti ca scila rô cori  
cciù avanti  
appriessu â cianciana cci-à-bbola  
n cerca rô tenniru amuri.